

quid lectu dignum tradiderunt, ex Galeno id sunt mutuati. & per loquem studiose secanti, nihil unquam minus aggressi videntur, quam humani corporis sectionem: adeo mordicus horum primarij nescio cui dicendi generi, aliorumque in refecando oscitantia fidentes, Galenum in dispendiosa compendia turpiter redegerunt, nunquam ab illis dum ipsius sensa assequuntur, ne latum quidem unguem recedentes: imò librorum frontibus adijciunt, ipsorum scripta & Galeni placitis penitus confarcinata, suaque Galeni esse omnia, ideo etiam subiungentes, si quis forte ea duceret reprehendenda, ob id Galenum quoque esse cōtinnendum arbitrareretur. Atque ita huic omnes fidem dedere, ut nullus repertus sit medicus, qui in Galeni anatomicis voluminibus, ne leuissimum quidem lapsum unquam deprehensum esse, multoque minus deprehendi posse, censuerit: quum interim (præterquam quod Galenus se frequenter corrigit, suamque negligentiam in quibusdam libris commissam, in alijs, postea exercitior redditus, non semel indicat, contrariaque frequenter docet) nobis modò ex renata dissectionis arte, diligentique Galeni librorum prælectione, & in plerisque locis eorundem non pœnitenda restitutione constet, nunquam ipsum refecuisse corpus humanum: at uerò suis deceptum simijs (licet duo ipsi arida hominum cadavera occurrerint) crebro ueteres medicos in hominum confectionibus se exercentes immeritò arguere. Quinetiam quamplurima apud Galenum inuenias, quæ in simijs quoque minus rectè assecutus est. ut taceam, mirandum esse maxime, in multiplici infinitaque humani corporis organorum & simiarum differentia, nullam nisi in digitis ac poplitis flexu, Galenum animaduertisse: quam cum cæteris procul dubio omisisset, nisi citra hominis dissectionem ipsi fuisset obuia. Verum in præsentia, haudquaquam institui falsa Galeni dissectionis professorum facile principijs dogmata perstringere: multoque adhuc minus in ipsum bonorum omnium autorem, mox initio impius, suaque autoritatis parum obseruans haberi uelim. Haud enim ignoro, quam medici (longè secus quam Aristotelis sectatores) turbati soleant, quum multo sapientius quam ducentes à uera partium humanarum harmoniæ, usus functionisque descriptione, Galenum declinasse, in unius Anatomæ administratione nunc obseruat, toruè interim & summo defendendi studio dissecas particulas expendentes. Quamuis & hi ueritatis amore ducti, paulatim inde mitescant, suisque oculis ac rationibus nò inefficacibus plus fidei, quam Galeni scriptis adhibeant, hæc uerò paradoxa non ab alijs autoribus emendicata, neque autoritatum congerie tantum firmata, huc illuc ad amicos sedulo perferibentes, & ad illorum inspectionem, ac demum ad ueræ Anatomæ cognitionem, tam sollicitè & amice hortantes: ut spes sit, hanc breui in omnibus Academijs ita excolendam, quemadmodum Herophili, Andreae, Marini, aliorumque præstantissimorum dissectionis procerum seculo in Alexandria olim exerceri consuevit. Quod quo sceleratioribus Mularum auspicijs succedat, quantum in me fuit, præter illa quæ aliàs huius argumēti in lucem edidi, & quæ plagiarij quidam me procul à Germania absentem arbitray, tanquam sua emisserunt, iam de integro humani corporis partium cognitionem eo ordine in septem libros redegi, quo in hac urbe & Bononiæ in illo eruditiorum uirorum cœtu ipsam pertractare soleo. Hac siquidem ratione, qui secanti adfuerit, demonstratorum habebunt commētariorum, cæterisque leuiori negotio Anatomem ostendent. Quanquam alioquin & his quibus inspectio denegatur, minime futuri sint inutiles, quum cuiusque humani corporis particulae numerum, situm, formam, magnitudinem, substantiam, ad alias partes connexum, usum, munus, ac eiusmodi permulta, quæ in partium natura dissecantes rimari consueuimus, unà cum mortuorum uiuorumque resectionis artificio, satis diffusè persequatur, & partium omnium imagines sermonis contextui insertas ita contineant, ut ueluti dissectum corpus operum Naturæ studiosis ob oculos collocent. Ac primo quidem libro omnium ossium cartilaginumque naturam enarraui, quæ quòd illis reliquæ partes suffulciantur stabilianturque, & secundum hæc describantur, ab Anatomes studiosis primùm cognoscenda ueniunt. Secundus liber ligamenta, quorum beneficio ossa cartilagineque inuicem cōnectuntur, & dein musculos, motus è nostro arbitratu pendentes opifices, cōmemorat. Tertius, uenarum quæ musculis & ossibus cæterisque particulis familiarem quo enutrantur sanguinem deferunt, ac dein arteriarum insiti caloris spiritusque uitalis temperiem moderantium, frequentissimam seriem complectitur. Quartus non modò neruorum qui musculos adeunt distributionem, sed & reliquarum quoque omnium propages edocet. Quintus organorum nutritioni, quæ potu & cibo perficitur, famulantium constructionem tradit: ac insuper ob sedis uiciniam, instrumenta etiam continet, ad speciei successionem à summo rerum Opifice fabricata. Sextus cordi uitalis facultatis fomiti, ipsique subministrantibus particulis dicatur. Septimus uerò cerebri & sensus organorum harmoniam ita persequitur, ut illic neruorum à cerebro originem ducentium series quarto libro expressa, nò repetatur. Quippe in horum librorum ordine digerendo, Galeni

1. Ossibus  
2. Ligamentis  
3. Vasis & uenis  
4. Neruis  
5. Musculis  
6. Nutritio nutritio et  
7. motus  
8. motus  
9. motus  
10. motus

sententiam sum sequutus, qui post musculorum historiā, uenarum, arteriarum, neruorum, & dein uiscerum Anatomem pertractandam duxit. Quantumuis nò inepte, ac potissimum apud huius scientiæ tyronem, aliquis cum uasorum distributione rudem uiscerum cognitionē ita persequendam contendet, quemadmodum in Epitome præstitti: quam ueluti horum librorum semitam, ac in illis demonstratorum indicem præparauit, Serenissimi Principis PHILIPPI Maiestatis filij, ceu uiui paternarum uirtutum exemplaris (à quo quæcunque in optimo totius orbis moderatore desiderari possunt, quàm cumulatissimè expectantur) splendore decoratam, autoritateque munitam. Verum hic quorundam iudicium mihi succurrit, qui non duntaxat herbarum, sed & humani corporis partium quantumuis etiā exquisitissimas delineationes, rerum naturalium studiosis proponi, acriter damnat: quod has non picturis, uerum sedula refectione, rerumque ipsarum intuitu disci oporteat, perinde sanè ac si hoc nomine uerissimas, ac utinam à typographis nunquam deprauandas partium icones sermonis contextui adhibuissē, ut studiosi illis freti, à cadauerum sectione temperarent: & nò ipsi potius, quibus possem modis medicinæ candidatos ad cōlectiones proprijs manibus obeundas, cum Galeno hortarer. Profectò si ueterum, qui pueros domi in confectionibus administrandis, perinde atque in pingendis elementis & sectione exercebant, consuetudo huc usque deducta fuisset, non picturis modò, uerum & omnibus cōmentarijs perinde atque ueteres illos facile nos carere permetterem: qui tum primùm de Administrandis dissectionibus scribere sunt aggressi, quum nò liberis solum, sed alienis etiam uiris quos uirtutis nomine suspiciebant, artem cōmunicare honestū esse censuerunt. Cum primùm enim pueri non amplius in sectionibus exerceri cōsueuerit, protinus necessariò accidit, ut Anatomem infelicius cōdiscerent, exercitatione, quam in pueritia auspicari solebāt, abolita. Adeo ut quæ ars Asclepiadum familia excidisset, multisque seculis in deterius uergeret, opus fuerit libris qui speculationē ipsius integrā cōseruaret. Quantum uerò picturæ illis intelligendis opitulentur, ipsoque etiā uel explicatissimo sermone rem exactius ob oculos collocent, nemo est qui nò in geometria, alijsque mathematū disciplinis experiatur: præterquam quod nostræ partium imagines illos impense oblectabūt, quibus nò semper humani corporis refecandidatur copia: aut si datur, tam delicata & in medico parum probanda prædicti sunt natura, ut effi iucundissima hominis cognitione, immensi rerum Conditoris sapientiā (si quid aliud) attestare, insigniter capiantur, eò tamen animum inducere nequeunt, ut uel sectioni aliquando intersint. Vt cūque uerò sit, toto opere id unicè studij, ut in negotio longè reconditissimo, neque minus arduo, quam plurimis prodessem, humanique corporis fabricæ non decē, aut duodecim (uti obiter spectanti apparet) sed aliquot mille diuersis partibus extructæ historiā, quàm uerissimè & abolutissimè pertractare, ac intelligendis Galeni libris posteritati adhuc asseruatis, & inter cætera diuini eius uiri monumēta præceptoris operā requirentibus, nò spernendā frugem medicinæ candidatis adferre. Licet interim non me lateat, quàm conatus iste meæ ætatis, qua uigessimum octauum annum nondum excessi, nomine, parum autoritatis habebit, ac quamminimè ob crebram non uerorum Galeni dogmatum indicationem, ab illorum moribus erit tutus, qui mihi Anatomem docenti nò astitere, aut ipsi hanc sedulo non sunt aggressi, primaque fronte uarias rationes in Galeni defensionem cōminiscentur, nisi magno alicuius numinis patrocinio ex more commendatus in lucem auspiciatò prodeat. Verum quia maiori nullo quàm diui CAROLI, inuictissimi, maximeque Imperatoris nunquā inter morturo nomine tutius muniri, splendidiusque ornari potest, tuam Cæsaream Maiestatem omni reuerentiā supplex iterum atque iterum obsecro, ut si ueniale hoc meum studiū multis rationibus causisque sibi obnoxium, sub ipsius ductu, splendore ac patrocinio in hominum manibus tantisper uersari sinat, donec per rerum usum, ac quod ætate accedit iudiciū, eruditionemque hunc laborem summo optimoque Principe digniorem reddam, aut aliud non rejciendum alijs ex arte nostra deprompti argumenti munus offeram. Quamuis augurer, ex uniuersa Apollinea disciplina, adeoque tota naturali philosophia, nihil tuæ Maiestati gratius acceptiusue procudi posse, historia, qua corpus & animum, ac præterea diuinum quoddam numen ex utriusque symphonia, & nosmetipsos denique (quod uerè hominis est) cognoscimus. Atque ut id pluribus colligo argumētis, ita inde in primis conijcio, quod in ea librorum frequentia, quæ sceleris memorie MAXIMILIANO Romanorum maximo Imperatori auctore cōsecrati fuere, nullus præsentis negocij libello unquam gravior extiterit. Neque unquam obliuiscar, qua uoluptate tabulas meas Anatomicas inspexeris, quamque curiose de singulis percunctatus sis, quas pater meus Andreas Maiest. T. à pharmacis primariis iuxta ac fidelissimus, aliquando intueudas obtulit. Vt nunc præterea incredibile illum, ut in omnes disciplinas, ita etiā multo maxime in mathematicas, & præsertim eius quæ mundi astrorumque scientiam pertractat, amorem, & in tanto heroe admirabilem eius peritiā. Adeo, ut haud fieri queat,